



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 1. & 2. lib. 2. Tobiæ, in quibus describitur
Pietas Senioris Tobiæ erga Deum & homines, Salmanasar Regis erga eum
Clementia. Somnus Tobiæ & Excæcatio. Servata erga omnes ...

[urn:nbn:de:hbz:466:1-61252](#)

Cultus: dum cap. 13. testatur Esdras: Vidi in Iuda calcantes torcularia in Sabbatho, portantes acervos, & onerantes super asinos vinum & uvas & ficas & omne onus, & inferentes in Jerusalem, & objurgavi optimates Iuda, & dixi eis: que est haec res mala, quam vos facitis, & profanatis diem Festum? ò utinam tales querelas solus Esdra effudisset contra Judæos! utinam non Christus Ipse pares nostris temporibus cogeretur effundere contra Christianos? dum Festis diebus videt saepius loco precum pretia tractari, sub ficto necessitatis titulo vehi merces, celebrari nundinas, institui contractus &c. Quid ergo modernus Festorum profanator mundus aliud audiat, quam quod audiuit Populus Hebreorum v. 18. citati cap. dicente Esdrâ. Et adduxit Deus noster super nos omne malum, hoc est super civitatem istam. Hoc comprobant diuturna bella, quibus Regiones spoliatae, civitates dirutæ, domus succensæ, in captivitatem abducti sunt incolæ. Singulis quasi horis inculcatur nobis: Memento, ut diem Sabbathi sanctifices. Sed ob actus contrarios videmur. Quasi omnem hujus Precepti memoriam exuisse. Non miremur ergo, si Deus quoque non recordetur lacrymarum & precum nostrarum, quibus petimus: Da pacem Domine in diebus nostris.



FASCICULUS LV.

Doctrinarum Moralium & Asceticarum.

Doctrina I.

Desumpta ex cap. 1. & 2. libri Tobiae, in quibus describitur Pietas Senioris Tobiae erga Deum & homines, Salamanar Regis erga eum Clementia. Somnus Tobiae & excacatio. Servata erga omnes exacta Justitia &c.

N.364. Considera I. **T**Obiam inter impiissimos versantem Barbaros, summae Pietatis officia nullatenus deseruisse, consolando moestos, alendo esurientes, vestiendo nudos, sepeliendô mortuos & occisos, ut refert primum hujus libelli caput. Sin autem quæras: unde venerit tam constans, & nunquam interrupta viri

viri Pietas? respondebit sacer Textus v. 8. citati cap. *Hec, & his similia secundum legem Dei puerulus observabat.* Sicut ex lacte, quod infantibus ministrant ubera nutricis, corpulentia hominis componitur, dum ejus substantia in medullas, venas, arterias & cætera corporis membra distribuitur: ita Pietas, quæ primâ ætate per frequens exercitium quasi imbibitur, adultos quoque annos & canos ipsos sequi solet; hinc ait Clemens Alexand. lib. 1. Pædagog. cap. 9. *Est in nobis atatis uber ipsa juventus.* S. Matthæus c. 2. de infantia Salvatoris differens, non absque Mysterio ait: *Nazareus vocabitur*, quod idem dicit ac *floridus*: ut enim ex floribus arboris alicujus fœcunditas fructuum cognoscitur, quos aliquando protrudet, sic quoque ex primorum annorum pietate virtutes maturæ ætatis colliguntur. Utque vineæ florentes dare solent odorem, arcendis serpentibus & viperis aptissimum; ita juventus hominis, piis actibus florescens, exhalat odorem, qui vitia ab homine ad seram usque senectutem arcere solet. Jam semel allegatus Evangelista c. 19. Memorat: venisse ad Christum adolescentem, æternæ salutis cupidum; & hinc interrogâsse Salvatorem: quid faciendō suum assequeretur intentum? cui illico reposuerit requisitus Magister: *Serva mandata &c.* at illum replicâsse: *Omnia hac custodivi à juventute mea, quid adhuc mihi deest?* dictabat novam lectionem divinus Magister quærenti discipulo, inquiens: *Si vis perfectus esse, vade, vende, quæ habes &c.* Subdit autem Evangelista: *cum audisset adolescens verbum, abiit tristis.* Author Operis imperfecti adolescentem hunc mendacij arguit, negans: ipsum à prima ætate divinis ad amussim obtemperasse mandatis; hoc enim factò non potuisset tantâ affici tristitiâ, qualibet affectum fuisse testantur S. Paginæ auditis Christi verbis: *Vade, vende omnia &c.* Christiane Lector, quæ causa est torporis illius, quem in adulta ætate experiris in te ad omnia pietatis opera, nisi male transacta adolescentia? nam indubitatum est illud Scripturæ Proverbium: *Adolescens juxta viam suam ambulans etiam cum senerit non recedat ab ea.* Dole ergo de culpa tua, & illum, qui per gratiam suam solus renovare potest ut aquilæ juventutem tuam, instanter ora, quatenus dignetur: te per aquas poenitentiæ renatum cooperante Spiritu Sancto instar Tobiae solidâ pietate imbuere, in qua habituatus transfigas residuum vitæ tuæ tempus.

Considera 2. Per Tobiam de quo cap. 2. memorat S. Scriptura: N. 365.
quod dormienti super oculos ceciderint calida hirundinum stercora,

P p 2 &

& exinde contraxerit cæcitatem, in sensu morali posse intelligi homines illos, qui in Mundo possident magnam Bonorum temporaliū copiam, quæ ab Apostolo 3. Philipp. 2. stercoris nomine intitulata, tantam quandoque mentis inducit cæcitatem, ut lumen Cœli, æternam videlicet Beatitudinem, raro aut nunquam amplius aspiciant, suis cogitationibus terræ penitus infixi. De augendis ergo rebus terrenis solum solliciti obliviscuntur operum Misericordiæ, quæ exerceuerant cum Tobia, quamdiu prætactum stercus nondum eis ademerat mentis visum: obliviscuntur pariter operum Justitiæ, in quibus imitabantur Tobiam, timentem: ne quidquam inter Bona sua furtivum haberet; & hinc v. 21. capituli cit. dicentem: *Reddite eum Dominiis suis, quia non licet nobis aut edere aliquid ex furto, aut contingere.* Verum (ut dixi) infelici hōc stercore prolsus excæcati, sese erga pauperes durissimos, erga concives injustos demonstrant. Quæres nunc: quid antidoti loco cætitati huic opponendum? repono: efficacius non reperti remedium felle illō, per quod Paschasiō teste in lament. Jerem. lib. 3. *Amaritudo Passionis Tribulationisque designatur.* Nam effatum S. Gregorii est: *Oculos, quos culpa claudit, pœna aperit.* Probavere hoc exemplō suō Israélitā, de quibus regius cantat Vates: *Cum occideret eos, querebant eum, revertebantur, & diluculo veniebant ad eum.* Expertus id ipsum pariter exclamat Jeremias c. 31. *Castigasti me Domine, & eruditus sum, quasi juvenulus indomitus.* Quare o Christiane Lector! si varii tibi obvenerint casus, quibüs Bona fortunæ sensim dilabantur, cogita: Deum Oculistam agere, qui animam tuam, perituriis terræ Bonis excætam, talī medicamine sanet & reddat aptam spectandis Cœli Bonis, quibüs æternū fruaris, visurus Deum facie ad faciem. *Anima Justi,* ait S. Bernardus tom. 1. serm. 16. a. 2. c. 2. *Per adversa illuminatur ad cognitionem mundi, ex forti namque nubium concussione coruscatio in aere generatur: unde etiam in noctis tenebris circumstantia pericula subiūd demonstrantur.* Sic ex tribulationum quassatione Mundus iste plenus periculis & laqueis & malignitate potest cerni.

Doctri-